

Inatsisartunut ilaasortaq
Palle Christiansen

KNI A/S-imi siulersuisut nutaat katiterneqarnerat pillugu Naalackersuisunut apeqqu.

**1. Ilumoorpa, Naalackersuisuni siulersuisut allattoqarfiata KNI A/S-ip immik-
kut ittumik ataatsimeersuarnissaat ullunik marlunnik sioqqullugu ingerlatsi-
vimmut siulersuisunngortikkusutatik Naalackersuisunut saqqummiikkaat?**

KNI A/S-ip immikkut ittumik ataatsimeersuarnissaa pillugu Naalackersuisut isum-
mernissaannut tunngavissiaq siullermeerlugu Naalackersuisut ulloq 11. januar
2006-imi suliaaraat. Ataatsimiinnermi Naalackersuisut aalajangerpaat KNI A/S-ip
siulersuisui noqqaaffigineqassasut KNI A/S-imi immikkut ittumik ataatsimeersu-
artoqarnissaanut aggersaassasut, taamaalilluni KNI A/S-imi siulersuisuni taar-
sersuisoqarniassammat, aningaasaqarnermik/periusissaqarluni siulersuisinnaa-
nermik, aalisakkanik tunisassiornermik aamma angallassinermik/
nassiussalerinermik piginnaasanik siulersuisut ilaneqarnissaat siunertaralugu.

Ulloq 11. januar 2006-imi ataatsimiinnermi Naalackersuisut siulittaasuat suliassin-
neqarpoq immikkut ittumik ataatsimeersuarnissaq sioqqullugu Naalackersuisut
isummernissaannut tunngavissiamik suliaqassasoq, ilaatigut siunissami siulersui-
sut qanoq katiterneqarnissaannut siunnersuummik imaqartumik. Naalackersuisut
isummernissaannut tunngavissiaq taanna Naalackersuisut ulloq 27. januar 2006-
imi ataatsimiinneranni suliarineqarpoq.

Ulloq 11. januar 2006 sioqqullugu Naalackersuisut isumaliuteqalereerput siunissa-
mi siulersuisut qanoq katiterneqarumaarnerannik.

Ingerlatseqatigiiffinnut Allattoqarfiup piginnaassuseqarnera, attaveqarfii siunnersui-
nera soorunami ingerlatseqatigiiffinnut Namminersornerullutik Oqartussanit pigi-
neqartunut siulersuisunut ilaasortassanik nassaarniarnermi Naalackersuisut suli-
nerannut atasumik pingaaruteqarpoq.

Taamaattumik pissusissamisoortumik allattoqarfimmi atorfilittat peqatigalugit
oqaloqatigiissutigisarpaput, siulersuisuni ilaasortassatut kikkut piukkunnaateqar-
nersut, siulersuisunut ilaasortassatut toqqagassanik Naalackersuisunut uanga
akisussaasutut inassuteqaateqannginninni. Taamatut oqaloqatigiinneq aamma
pivoq KNI A/S-imi siulersuisunut ilaasortassat toqqarneqarnissaat sioqqullugu aam-
ma uppernassassavara, siulersuisunut ilaasortassanik toqqaanissaq sioqqullugu

28. februar 2006
J.nr.

Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

aamma toqqaaniarnerup nalaani piukkunnaateqartut arlaqartut isumaliutigineqarsimammata.

2. Ilumoorpa, piukkunnartut toqqagaasimasut tamarmik siulersuisunngortinneqanngitsoortut?

Ingerlatseqatigiiffinni Namminersornerullutik Oqartussanit pigineqartuni siulersuisuni ilaasortassatut toqqagassanik suliap ingerlanerani toqqarneqarsinnaasut amerlasuut isumaliutigineqartarput, taamatullu aamma isumaliutigineqartarluni siulersuisut qanoq pitsaanerpaamik katiterneqarsinnaasut, taamaalilluni siulersuisunut ilaasortat ataasiakkaat piginnaasaat imminnut tapertariilerlutik.

Qulaani taaneqartutut aamma KNI A/S-ip siulersuisuinik toqqaanermi taamatut pisoqarpoq.

Malugineqassaaq toqqarneqarsinnaasut allat aamma isumaliutigineqarsimammata, kissaateqanngitsut siulersuisunut ilaasortassatut toqqarneqarnissaminnik.

3. Siulersuisut allattoqarfiata kikkunuku piukkussarisimagai?

- a. Suna piukkunnaqutigigaluarpaat?**
- b. Naalackersuisut suna peqqutigalugu siulersuisut allattoqarfiata piukkusnaanik aalajangiutaqanngillat?**

Siunissami ingerlatseqatigiiffinni Namminersornerullutik Oqartussat pigisaanni siulersuisunut qinersisoqartartussaammat, Naalackersuisut isumaqarput tulluartaunngitsaq siulersuisuni ilaasortanngortussatut neqeroorfigineqartut inuit aqqisa tamanut saqqummiunneqarnissaat, aamma Naalackersuisut kissaatiginngilaat inuit siulersuisuni ilaasortaanissaminnut kissaateqanngitsut aqqisa tamanut saqqummiunneqarnissaat.

4. Naalackersuisut Corporate Governance (ataatsimoorluni naalackersuineq) qanoq isumaqartippaat?

Corporate Governance tassaasoq ataatsimut taaguutigitinneqartoq pingaarnerusutigut tunngaviit suut tunngavigalugit ingerlatseqatigiiffiit siulersorneqarnerat ingerlanneqassasoq, ingerlatseqatigiiffiit anguniakkat suut tunaartarisariaqaraat aamma ingerlatseqatigiit aqunneqarneranni aaqqissugaanikkut qanoq iluseqartariqartut aamma suliassat qanoq pitsaanerpaamik aaqqissuunneqarsinnaanersut piviusunngortinneqarlutillu.

2004-mi Naalackersuisut Corporate Governance pillugu nalunaarummik suliaqartitsippat taaguuteqartumik "Kalaallit Nunaanni Ingerlatseqatigiiffinnik aqutsilluarnissamat inassuteqaatit pillugit nalunaarusiaq". Tamatuma kingorna Naalackersuisut aalajangiuppaat Namminersornerullutik Oqartussanit suliffeqarfanni pigineqartuni

siulersuisut inassuteqaatinut saqqummiunneqartunut isummaminnik saqqummius-saqassasut. 2004-mi septembarip qaammataani ingerlatseqatigiiffinni aqutsilluar-nissaq pillugu isumasioqatigiissitsisoqarpoq ingerlatseqatigiiffinni Namminersorne-rullutik Oqartussanit pigineqartuni pisortanit aamma siulersuisuni ilaasortanit peqataaffigineqartumik. Taamatutaaq ingerlatseqatigiiffinni aqutsilluarnissamut nalunaarusiaq siulersuisunut ilaasortassanik Naalakkersuisut toqqaasarneranni maleruagassat nutarterneqarnerannik nassataqarpoq.

Ingerlatseqatigiiffinnik aqutsilluarnissamik nalunaarusiaq aamma siulersuisunik toqqaasarnermi Naalakkersuisut maleruagassaat Namminersorerullutik Oqartus-sat internettikkut saqqummersitaani "www.nanoq.gl"-imi takuneqarsinnaapput.

5. Namminersorerullutik Oqartussat ingerlatsiviini siulersuisunik toq-qaanissami, piginnaassutsit sorliit Naalakkersuit pingaartippat?

Suliffeqarfimmi piginnaasaqarfiit immikkoortut pingaaruteqartut tamaasa siulersuis-uni ilaasortat ataatsimut isigalugu piginnaasaqarfigissavaat. Siulersuisut katiter-neqassapput imaalillugit ingerlatseqatigiiffimmi pisortat piginnaasaasa amigaatigisinnaasut piginnaasanik ilaartorneqarlutik.

Tamanut tunngasumik piginnaasat siulersuisuni ilaasortat amerlanerpaat pigin-naasarisussaavaat aamma piginnaasat aalajangersimavissut ingerlatseqatigiiffinni ataasiakkaani tamani piginnaasarineqarnissaat pisariaqarpoq.

Tamanut tunngasumik piginnaasat pineqartut ilaatigut tassaapput:

- Suliffeqarfiup ajornartorsiutaanik aalajangersimasunik paasinnissinnaas-suseqarneq, naleqquttumik inuussutissarsiornermik misilittagaqarnikkut aamma/imaluunniit uppernarsarneqarsinnaasumik suliassanut pigin-naasaqarnikkut
- Politikikkut tunuliaqutaasut suleriaasiannik aamma aalajangiinissamut suli-at ingerlasarnerannik paasinnissinnaassuseqarneq
- Naatsorsuutininik paasinnissinnaassuseqarneq
- Kalaallit Nunaanni pissutsinik ilisimasaqarneq

Tamanut tunngasumik piginnaasat taakku saniatigut siulersuisuni ilaasortat ata-atsimik arlalinnilluunniit immikkut piginnaasaqarlutillu misilittagaqartariaqarput, taamaalilluni siulersuisut ataatsimut isigalugu sapinngisamik atitunerpaamik tunuli-aqutaqassasut.

Aalajangersimasumik piginnaassuseqarnissat ingerlatseqatigiiffimmiit inger-latseqatigiiffimmut assigiinngitsuupput. Matumani tassaasinnaapput suliassaqa-rfimmu aalajangersimasumut piginnaasat, soorlu assersuutigalugu nassiussalери-neq imaluunniit suliassat immikkut ittut, soorlu assersuutigalugu aningaasa-lersuisarneq.

Siulersuisuni piginnaassutsit suut pisariaqartinneqarnerinik nalilersuinermi ileqquumik ataatsimeersuarnissaq sioqqullugu Naalackersuisut siulersuisuni siulittaasut suleqatigalugit nalilersuisarput, taamaalillutillu piginnaasat pigeriikkat aamma piginnaasat kissaatigineqartut nikingassutigisinnaasaat sunaassusersillugit. Taamaalilluni siulersuisut katitigaanerat ingerlaavartumik nalilersorneqartarput ingerlatseqatigiiffillu pisariaqartitaannut sanilliunneqartarlutik. Siulersuisuni piginnaassutsinik nutaanik pisariaqartitsineq assersuutigalugu nalilersorneqarsinnaavoq ingerlatseqatigiiffiup periusissatut pilersaarutaa aallaavigalugu.

6. Simon Olsen-imit aamma Aqqalukasik Kanuthsen-imit siulersunngortitsinermi, Naalackersuisut nassuaatigisinnaavaat piginnaassutsit suut toqqammavigineqarsimasut?

Ingerlatseqatigiiffimmi aqutami Arctic Greenfoodimi aningaasatigut ineriartorneq aamma siulersuisut Namminersornerullutik Oqartussanut amigartumik attaveqarnerat ilaatigut pissutaapput KNI A/S-imi immikkut ittumik ataatsimeersuortoqarnissaannut aggersaanermut. Simon Olsen aalisakkanut suliffissuaqarnerup iluani sionatigut suliffissuarmi pisortatut atorfeqarsimammat, Royal Greenlandip siulersuisuini ilaasortaasimammat aamma piffissani arlaqartuni Naalackersuisunut ilaasortaasarsimammat aalisarneq inuussutissarsiornerlu akisussaaffigalugit, Naalackersuisut nalilerpaat, Simon Olsen eqqortunik piginnaassuseqartoq siulittaasuunissaminut.

Aqqalukasik Kanuthsen siusinnerusukkat INI A/S-ip siulersuisuini siulittaasuusimavoq taamaammallu siulersuisuni sulinermik misilittagaqarluni. Aammattaaq Aqqalukasik Kanuthsen savaatilinnut siunnersortaasimavoq taamatullu suliaqarsimaneq naleqquppoq Neqi A/S-imi sulinissamut.

7. Siulersuisunngortut piginaaneqarfiat pingaarnerpaaq Naalackersuisut sumiissorivaat?

Naalackersuisut isumaqarput siulersuisut ataatsimut isigalugit piginnaassaqaarfissat tamaasa suliffeqarfimmut pingaaruteqartut tamarmik piginnaassaqaarfineqartariqaraat. Pingaarutilimmik isumalittut isigineqarpoq piginaaneqarfiit pingaarnerpaaq siulersuisunut ilaasortat ataasiakkaat pillugit nalilersorneqartarnissaat, siulersuisut ataatsimut pinnagit.

8. KNI A/S-ip immikkut ittumik ataatsimeersuarnerani Naalackersuisuni ilaasortaqaq, Siverth K. Heilmann imatut oqaaseqarpoq: "Naalackersuisut uunga immikkut ittumik ataatsimeersuarnermut atatillugu kissaatigisimavaat siulersuisut nutaanngornissaat, aningaasaqarnerup pilersaarusernerullu tungaatigut aqutsineq pitsaanerulersinniarlugu, aalisakkanik tunisassiorneq, umiartorneq angalanerullu tungaatigut siulersuisut amerlanerusut piginnaasallit kissaataasimapput."

**Uku oqaatigisimasat tunngavigalugit nassuiaatigeqquneqarpoq, siulersuis-
unngortut taakku marluk pineqartut qanoq ittunik piginnaasaqarneri KNI A/S-
mut tunniussinnaasaminnik.**

Apeqqut akineqareersutut isigineqarpoq qulaani apeqqutip 6-ip ataani.

Inussiarnersumik inuulluaqqusillunga

Hans Enoksen